


中國方志叢書・華北地方・第一七六號

據清·袁文煥等纂修
乾隆二九年抄本影印

河北省隆平縣志



成文出版社印行




10106159

中國方志叢書·華北地方·第一七六號

據清·袁文煥等纂修
清·乾隆二九年抄本影印

河北省隆平縣志

(二)



10106160

成文出版社印行

中華民國五十八年 月臺一版

隆平縣志

全二册

定價：新台幣

元正


發行人：黃

成

助

出版者：成文出版社

臺北郵政信箱二二六〇五號



印刷者：東南印製廠有限公司

和平西路一段 70 巷 83 弄 29 號

內政部登記證內版臺業字第 一一四七號

西
門
縣
志

日
月
昇
元

重修隆平縣志序

古者輶軒鷺羽總知四方治忽以詔於王朝而頒之政事典冊明文披簡如在一方之吏治民情山川土田古今興廢之故一展卷而燦若列星皆於志乎取之隆平舊志創自前明崇禎年間至今百有餘年朽蠹之餘傳聞異詞幾不可考余受事之初不遑將事越三年奉檄開渠求所為蓄洩之方旱潦之備按冊以求而端緒茫不可得乃遍歷高下原濕周覽地勢博觀輿情略得其大概連歲來五穀時熟民氣以和

乃謀之學博李君性香王君荆庵偕邑之紳士相與
經紀其事章程粗具將次就役維時

制府方公奉

天子詔偕宮保阿公少宰襄公查勘河道會同

監司揆公郡伯鄭公司馬宋公刺史金公周

行郡縣駐節隆邑爰命文漁取志書以進見殘編斷
簡漫漶不可考因令亟加修輯以存掌故是歲冬乃
徵集諸書悉心編校分別十門此事屬詞次第成帙
閱數月而書成凡疆域之廣袤財賦之盈虛戶口之

登耗禮樂制度之修廢文章節義之盛衰搜訪補葺
務祈犁然畢具而又懼其華而不實實而鮮當也詳
慎以紀事博採以徵實俾百十餘年之文物典章於
茲稍備藉以仰承

德意而謗劣不文多所挂漏以繼先民著作則不能無
憾焉他日觀風問俗輶軒所至式採而擇之則區區
補綴亦官斯土者報政之一端

也是為序

乾隆二十九年甲申歲仲秋之上浣穀旦

特授文林郎知隆平縣事加一級紀錄六次又記功二

次崇仁袁文煥書

重修隆平縣志後序

隆平為禹貢大陸澤故地無名山巨鎮四望皆平疇大野是以得名我

國朝雍正二年乃更隸為趙州屬邑夫邑必有志山川風土文物典章其間興廢沿革之故胥於是乎在舊志創於前明萬歷年間至崇禎二年邑令陳公所學曾續修之自是以來書缺有間而採風問俗幾無所藉亦官斯土者之責也余從兄約軒自己卯冬來蒞茲邑披閱故志見遺編斷簡引為已憂而縣治又介

於邑寧晉南北二泊之間為衆流所委注比年水潦偏災勞不得息蓋有志焉而未逮也癸未秋始捐貲倡修邑之縉紳士庶咸樂從之遂延鄉孝廉同年江君耕田董其事經始於癸未之冬告成於甲申之秋維時余以假省歸里路過隆平吾兄出其志稿一帙屬以一言為厥余展讀再三其發凡起例倣古陸清獻公靈壽志分列十門每門冠以小引間增論說畧其所不可知詳其所可知計自前明至今中間歷年一百三十有五更邑宰者三十四人而廢修墮舉考

獻稽文一時信史之傳得於吾兄之手訂者為不尠矣蓋自吾兄令隆五載以來修舉義學開濬溝渠崇實黜浮聲盡利弊凡所以為士習民生計者靡不慮忝厥職為兢兢則邑人士所共見聞邑乘之修特為政之一端也於是乎書時

乾隆二十九年歲在甲申秋九月之吉

勅授文林郎內閣撰文中書舍人兼管內府中書科事務加一級袁文邵拜撰并書

卷之三

七

縣志舊叙

崇禎二年

邑令陳所學本朝

粵稽書叙九丘詩陳列國猶今所稱郡邑志也當時太史采之用以正得夫昭勸懲而一代之史犁然畢具蓋分之為志合之為史則邑志之必不可廢從來遠矣隆志自神廟戊子令君林纂輯後至今四十餘年時遠事湮若滅若沒幾不可復識縉紳父老及諸文學憂之造余言曰今聖人御宇世運聿昌廢修墜舉功令煌煌曾是邑乘鉅典而不為釐正可乎况夫時際休明文獻缺畧甚非所以承昌運昭往憲來也

維子大夫圖之子曰唯唯否否夫吏人職吏事耳頃
主上聖神宗核名實簿書小吏方惴惴救過不給何
暇論繩墨之外雖然余實有責焉夫余既承乏茲土
而名公巨卿之勲猷不著孝友嫋睦之善行不傳政
事之得失風俗之醇澆與戶口財賦之繁耗不備是
余罪也諸君子生長於斯曷出所記憶筆之毋畧毋
徇所請毋暱所私共偕大道以先昭鉅典俾余藉手
襄事得效尺寸於吏事外乎則所厚望於諸君子者
時諸文學趙生煜等毅然任之各筆所記憶請校余

三讓不敏不可得於是乃踵前志續葺之凡兩越月
而書成昔荀仲豫補志有五義缺一不可余何敢望
惟是詮次舊聞羅列往事以毋致愆忘異日者天子
為國家圖不朽令太史采風問俗而博求故實庶一
邑之文獻為有徵耳先是司寇郎趙公奉命恤陝歸
里中言之甚悉頃從都中為叙弁諸首矣事竣聊識
其顛末若此

陝西元史

二